

## Санхүүгийн тогтолцоог ногоон болгох УАНС-гийн Суурь хүрээ (GFS)

Байршил: Бүс нутаг

Төслийн дугаар: 56002

Бизнесийн салбар: Санхүүгийн байгууллагууд

Мэдэгдлийн төрөл: Хаалттай

Байгаль орчны ангилал: Санхүүгийн байгууллага (FI)

Батлагдсан огноо: 2025 оны хоёрдугаар сарын 12

Төлөв байдал: **Үзэл баримтлал хянагдсан**

Англи хэл дээрх ТХББ-ийг нийтэлсэн: 2025 оны нэгдүгээр сарын 8

### Төслийн танилцуулга

Санхүүгийн тогтолцоог ногоон болгох (СТНБ) Уур амьсгалын ногоон сан (УАНС)-гийн Суурь хүрээ (цаашид "СТНБ УАНС-гийн Суурь хүрээ", эсвэл "Суурь хүрээ" гэх) нь 620 сая ам.долларын санхүүжилтээс бүрдэх бөгөөд үүний 434 саяыг Банкны ердийн эх үүсвэрээс, 186 саяыг УАНС-гаас олгох юм. Суурь хүрээний санхүүжилтийг Армян, Египет, Иордан, Гүрж, Казахстан, Бүгд Найрамдах Киргиз Улс, Молдав, Монгол, Марокко, Умард Македон, Серб, Тажикистан, Узбекистан (хамтад нь "Эрх бүхий 13 улс" гэж нэрлэдэг) улсад хэрэгжүүлэх юм.

Тус Суурь хүрээний санхүүжилтийг хүлэмжийн хийн ялгарал багатай, уур амьсгалд тэсвэртэй хөгжилд хөрөнгө оруулахад нь зориулж, санхүүгийн түнш байгууллагууд ("СТБ-ууд")-ад зээл хэлбэрээр олгох бөгөөд тэд цааш нь хувийн болон төрийн хэвшлийн үйлчлүүлэгчид (түүний дотор хувь хүн, БЖДҮ, томоохон аж ахуйн нэгж, технологи нийлүүлэгч, үйлдвэрлэгч, борлуулагч, суурилуулагч/үйлчилгээ үзүүлэгч, барилгын компани, орон сууцны холбоо болон хот суурин газрын засаг захиргаа)-дээ жендэрийн мэдрэмжтэй байдлаар дамжуулан зээлдүүлэх юм.

### Төслийн зорилго

СТНБ УАНС-гийн Суурь хүрээ нь уур амьсгалтай холбоотой төслүүдэд хувийн хэвшлийн зүгээс олгох санхүүжилтийн хэмжээг жендэрийн мэдрэмжтэйгээр цаашид нэмэгдүүлэх зорилготой санхүүгийн нэгдсэн платформор хангана. Цаашилбал, уг Суурь хүрээ нь уур амьсгалд нийцсэн санхүүгийн тогтолцоонд системтэй шилжих шилжилтийн төлөвлөгөөг батлах зэрэг уур амьсгалын дэвшилтэт практикийг дотоодын СТБ-уудад бий болгох таатай орчныг бүрдүүлнэ.

### Шилжилтийн нөлөөлөл

## Шилжилтийн нөлөөллийн хүлээгдэж буй хэмжээ (ETI) 65-85

СТНБ УАНС-гийн Суурь хүрээ нь санхүүжилтийг ногоон технологи, үйлчилгээнд чиглүүлэхэд тус дөхөм үзүүлж, уур амьсгалын шилжилтийн төлөвлөлтөөр дамжуулан орон нутгийн санхүүгийн тогтолцооны өөрчлөлтийг хөхиүлэн дэмжих замаар Ногоон шилжилтийн нөлөөлөл ("НШН") чанартай байх явдлыг хангаж ажиллана. Санхүүжилтийг Ногоон эдийн засгийн шилжилт ("НЭЗШ")-ийн шаардлага хангасан үйл ажиллагаанд 100% хуваарилна.

## Үйлчлүүлэгчийн талаарх мэдээлэл

Зээлдэгчид нь СТБ-ууд байх ба үүнд арилжааны банкууд, бичил санхүүгийн байгууллагууд, лизингийн компаниуд багтана.

## ЕСБХБ-ны санхүүжилтийн тойм

434,000,000.00 ам.доллар

## Төслийн нийт өртөг

620,000,000.00 ам.доллар

## Нэмэлт үр дүн

Нэмэлт үр дүн нь (i) зах зээл дээр байгаа нөхцлөөс давсан нөхцлөөр урт хугацааны санхүүжилт олгох, (ii) СТБ-уудын ногоон зээлийн чадавхийг бэхжүүлэхэд чиглэсэн техник хамтын ажиллагаа, бодлогын яриа хэлэлцээ явуулах, (iii) шилжилтийн төлөвлөгөө боловсруулахад нь холбогдох СТБ-уудад олгох урамшууллын буцалтгүй тусламж үзүүлэх, (iv) ногоон эдийн засаг дахь жендэрийн ялгаа хийдлийг арилгах замаар жендэрийн асуудлыг шийдвэрлэх зэрэг иж бүрэн багцуудыг хослуулан ашигласнаар бий болно. Ерөнхийдөө, эдгээр багц нь уур амьсгалтай холбоотой хөрөнгө оруулалтын санхүүжилтийн хэмжээг мэдэгдэхүйц нэмэгдүүлэхийн зэрэгцээ уур амьсгалын эрсдлийг даван туулах санхүүгийн салбарын чадварыг жендэрийн мэдрэмжтэй байдлаар хөгжүүлэх зорилготой юм.

## Байгаль орчин, нийгмийн тойм

Энэхүү Суурь хүрээнд ангилал тогтоогоогүй. Гэхдээ дэд төслүүдийг ЕСБХБ-ны 2019 оны Байгаль орчин, нийгмийн бодлогын дагуу “Санхүүгийн байгууллага” (FI) ангилалд багтааж, байгаль орчин, нийгмийн нарийвчилсан үнэлгээнд хамруулна. Шинэ СТБ-ууд ЕСБХБ-ны байгаль орчин, нийгмийн нарийвчилсан үнэлгээний асуулгыг бөглөх ёстой бөгөөд ямар нэг хийдэл байгаа эсэхийг тодруулж шийдвэрлэх зорилгоор одоо байгаа СТБ-уудын өмнөх жил дутмын тайлангуудыг хянан үзэх болно.

СТБ-ууд Бэлгийн мөлжлөг, хүчирхийлэл, дарамт ("SEAH") зэрэг тус Суурь хүрээний утгаар, улс орны нөхцөл байдлаас үүдэн бага, дунд зэрэгт тооцогддог байгаль орчны болон нийгмийн эрсдлийг үнэлэх, удирдан зохицуулахын тулд байгаль орчин, нийгмийн удирдлагын тогтолцоотой байх, түүнийг сайжруулж байх ёстой. СТБ-ууд ЕСБХБ-ны Гүйцэтгэлийн шаардлага 2, 4, 9-ийг хангах, ЕСБХБ-ны хориотой эд материал, үйл ажиллагааны жагсаалтуудыг дагаж мөрдөх, ЕСБХБ-д жил бүр байгаль орчин, нийгмийн

тайлан ирүүлж байх шаардлагатай. Үйлчлүүлэгчид нь үндэсний хууль тогтоомжийн шаардлага, ЕСБХБ-ны сэргээгдэх эрчим хүчний төслүүдэд хамрагдах шалгууруудыг хангасан байх ёстой.

Нарны эрчим хүчний PV төслүүдийн хувьд, ЕСБХБ-ны вэбсайтад байгаа Нарны эрчим хүчний дэд төсөл/дэд хөрөнгө оруулалтын Байгаль орчин, нийгмийн шалгуурт нийцсэн байх, холбогдох чиглэл удирдамж авах шаардлагатай.

### **Техник хамтын ажиллагаа, буцалтгүй тусламжийн санхүүжилт**

Энэхүү Суурь хүрээнд (УАНС болон бусад хандивлагчдаас санхүүжих) техник хамтын ажиллагаа (ТХА)-ны иж бүрэн хөтөлбөр, сонгож авсан зарим оронд явуулах төрөл бүрийн бодлогын яриа хэлэлцээний санхүүжилт нэмэлт бүрэлдэхүүн хэсэг болон орох бөгөөд эдгээр нь (i) дотоодын санхүүгийн тогтолцооны жендэрийн мэдрэмжтэй ногоон зээл олгох чадавхийг цаашид бэхжүүлэх, (ii) уур амьсгалын дэвшилтэт практик хөгжүүлэх, түүний дотор шилжилтийн төлөвлөгөө батлан гаргах, уур амьсгалд нийцсэн санхүүгийн тогтолцоонд системтэй шилжих нөхцөл бүрдүүлэх ажлыг хөхиүлэн дэмжсэн тааламжтай орчин бий болгох зорилготой байх юм. Түүнээс гадна, СТБ-ууд уур амьсгалын шилжилтийн төлөвлөгөөний хэрэгжилтийг дэмжих зорилго бүхий санхүүгийн урамшууллын буцалтгүй тусламж (УАНС-гаас санхүүжих) авах боломжтой байх болно.

ТХББ-ийг хамгийн сүүлд шинэчилсэн:

2025 оны нэгдүгээр сарын 8

### **Шилжилтийг ойлгох нь**

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг эндээс авна уу.

### **Бизнес боломжууд**

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168 Цахим шуудан: [projectenquiries@ebrd.com](mailto:projectenquiries@ebrd.com)

Төрийн хэвшлийн төслүүдтэй холбоотой мэдээлэл авахыг хүсвэл ЕСБХБ-ны Худалдан авалт хэсэгт зочилно уу.

Утас: +44 20 7338 6794 Цахим шуудан: [procurement@ebrd.com](mailto:procurement@ebrd.com)

## **Ерөнхий лавлагаа**

Дэлгэрэнгүй лавлагааг ЕСБХБ-ны Лавлагааны маягт ашиглан авах боломжтой.

## **Байгаль орчин, нийгмийн бодлого (БОНБ)**

БОНБ болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг БОНБ-д оруулсан болно.

## **Бүрэн төгс байдал ба комплаенс**

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд [compliance@ebrd.com](mailto:compliance@ebrd.com) цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алинаар ч үйлдэж болно. Ирүүлсэн мэдээлэл нь чин сэтгэлийн байх ёстой.

### **Мэдээллийн хүртээмжийн бодлого (МХБ)**

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл Мэдээллийн хүртээмжийн бодлого хуудсанд зочилно уу.

Мэдээлэл авах тодорхой хүсэлтээ ЕСБХБ-ны Лавлагааны маягт ашиглан илгээх боломжтой.

### **Төслийн хариуцлагын хараат бус механизм (ТХХБМ)**

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны

Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай

холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн Байгаль орчин, нийгмийн бодлого, эсвэл Мэдээллийн хүртээмжийн бодлого-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл Төслийн хариуцлагын хараат бус механизмын вэб сайт, хянан шалгуулах хүсэлт тавих бол Хүсэлт хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол [ipam@ebrd.com](mailto:ipam@ebrd.com) цахим шуудангаар хандаж болно.